



I ho an Dram,

dou dra mou ma einfach glam.
Stell da fir, dou gibt's koa andre Stodt,
is nird fü, wou ma nouzudenkn hod.

A Lem ohne Graich,
koana wird behandlt wai a vaich.

Jeda lebt sei Lem,
desweng wird's koan Streit mehr gem.

I ho an Dram,

dou dra mou ma einfach glam.

I streb nou Freiheit,
und immer nou da Gleichheit.

A wenne ois verlier,
hob i desweng koa gier.

Mein Wech binne ganga,
iber Berch und Ranga.

Mim Rucksog binne in a andre Stodt zong,
a schwere Last hob i mit mir drong.



I ho an Dram,

dou dra mou ma einfach glam.

De Fessln der Wölt wern enga,
und ma denkt, ma mou davo renna.

Wenn da Geist nird versklavt wa,
kannt da Kerpa a frei sa.

I ho an Dram,

dou dra mou ma einfach glam.

Aug um Aug und die ganze Wölt wird blind sa,

wenn ma unsre bluadigen Hend raicha,

dann kann ma sicherlich ois erreichn.

Freiheit stait fir Gleiche und nird fir vergleichn.



I ho an Dram,

dou dra mou ma einfach glam.

Dass mei Buam und Moidla in a Nation glücklich san und hom se gern,

wous halt nird nou da Hautforb sondern noum Charakter beurteilt wern.

D'stirgn wachst nird as kerperlicher Kraft,

nämlich fülmainara as an unbeigsama Wülln ders schafft.

I ho an Dram,

dou dra mou ma einfach glam.

Liabe af da ganzn Wölt, des is die graiste Macht,

des is mei Dram in da Nacht.



Eigene Interpretation in Anlehnung an Zitate von Mahatma Ghandi, Martin Luther King, Nelson Mandela, Jean-Jacques Rousseau, Herbert Grönemeyer, David Hasselhoff

Quellen Bilder:

<http://upload.wikimedia.org/wikipedia/commons/1/1b/KoreanWarFallenSoldier1.jpg>

<http://3.bp.blogspot.com/-4ukjU5we9IA/UrMhZ7325PI/AAAAAAAAAFE/aO5RXJqGto/s1600/bound-with-chains-of-the-spirit-and-of-men11.jpg>

<http://kinseyconfidential.org/wp-content/uploads/2009/11/Hands.jpg>

<http://data2.whicdn.com/images/27781876/large.jpg>